

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Peter Haarers Beschreibung des Bauernkriegs 1525

Harer, Peter

Halle, 1881

Das 60. Cap

[urn:nbn:de:bsz:31-326211](https://nbn-resolving.org/urn:nbn:de:bsz:31-326211)

Heinrichen, vnd allem Zeug in die Statt, vnd namen die Fürsten ihr Lager im Schloß, die Graffen, Herrn, Ritter vnd Knecht aber hieauffen in der Statt.

Das 60. Cap.

Was mit den Burgern zu Bruffel, der Straff halber gehandelt worden.

Gleich denselben Abend, kürzlich nach dem man hinein kommen, versamblet sich der Rath vnd ganze Gemeind daselbst, wie ihnen dann angesagt vnd befohlen ward, zohen miteinander auff den Platz, vor das Schloß, da ordnet Sein Churfürstl. Gn. gleich die Graffen vnd Herrn, sampt dem Obersten Feldhauptman Schenck Ebersten von Erbach, dem Hoffmeister Ludwigen von Fleckenstein, vnd Marschalck, zu denselbigen hinaus, vnd ließ ihn durch ge[77]melten Seiner Gn. Hoffmeister, ein wohlgeschickte ernstliche Rede fürhalten, vnder andern: Es wehre Seine Churfürstl. Gn. in sonderheit zu wissen begierig, was sie doch zu einem solchen lästerlichen bösen Auffruhr, widersetzung, vnd muthwilliger handlung gegen ihren eignen vnd andern Oberkeiten, ohnbetracht ihrer Ehren, Pflicht vnd verwandnuß, für zunehmen vnd zu vben verursacht oder geratzt haben möcht, Dieweil aber sie denselbigen keine vrsachen, vnd selbstien mitsacher wehren, So stünd Seiner Gn. Mündtliche meinung, auch ernstlichs begehren, daß sie wolten kürzlichen die Anfänger, Hauptsächer vnd Redlingsführer anzeigen, dieselbigen der gebür zu einem beyspiel der andern zu straffen. Also auff langen bedacht, wurden etliche Armen, von gemeiner versammlung des Rahts vnd der Gemeind angeben, derselben ließ der Oberst Feldhauptman etlich vnd siebenzig annehmen, vnd sie allesampt vbereinander in ein Thurn gefänglich legen, in welcher Gefängnuß sie dermassen geträngt sassen daß sie bey nahe erstickt wehren, nach dieser handlung, hieß man die vbrigen abtretten.